



KENYATAAN MEDIA

www.jkkn.gov.my

UNTUK SIARAN SEGERA

Bil. 10 /2022

“ALERT”: Sesi Libat urus JKKN bersama NGO Wilayah Persekutuan Kuala Lumpur ini dapat memberi ruang dan peluang dalam menyalurkan dan berkongsi maklumat dalam memelihara dan memulihara khazanah seni budaya negara agar terus dihayati oleh generasi muda.

SESI LIBAT URUS JKKN BERSAMA NGO WILAYAH PERSEKUTUAN KUALA LUMPUR

Kuala Lumpur, 27 Mei 2022 – Penggiat seni merupakan penyumbang kepada penyemarakkan seni budaya di Malaysia. NGO merupakan agen dalam membantu Jabatan Kebudayaan dan Kesenian Negara menyampaikan mesej kerajaan dan dalam masa sama memelihara khazanah seni budaya negara. Bagi memastikan penggiat seni terus bergerak semasa tempoh pandemik, pelbagai inisiatif telah ditawarkan oleh kerajaan dan JKKN juga turut membantu dari segi peruntukan kewangan, kemudahan tempat, kepakaran dan khidmat nasihat melalui Insentif Seni.

Justeru, Kementerian Pelancongan Seni Dan Budaya (MOTAC) melalui Jabatan Kebudayaan Dan Kesenian Negara (JKKN) mengadakan sesi libat urus bersama NGO Wilayah Persekutuan Kuala Lumpur pada 27 Mei 2022 (Jumaat) pada pukul 3.00 petang bertempat di Jabatan Kebudayaan

dan Kesenian Negara Wilayah Persekutuan Kuala Lumpur, Jalan Tun H.S Lee.

Penganjuran sesi libat urus bersama NGO ini diadakan adalah bertujuan sebagai platform pertemuan JKKN bersama penggiat seni di Kuala Lumpur selain mendapatkan input daripada persatuan dan penggiat seni bagi pembangunan seni dan budaya. Selain itu juga, pertemuan tersebut memberi peluang kepada JKKN untuk menyalurkan dan berkongsi maklumat mengenai insentif ditawarkan kepada pihak NGO. Dengan adanya pertemuan seperti ini, JKKN dapat mengeratkan hubungan silaturahim dengan BBK seni budaya di Malaysia.

Penganjuran program ini secara tidak langsung bakal menjadi medan pertemuan antara JKKN dengan penggiat seni sekitar Kuala Lumpur dan juga platform kepada penggiat seni untuk berkongsi idea dan kreativiti dalam menjana semula aktiviti seni budaya fasa endemik.

Pihak JKKN telah bekerjasama dengan Persatuan Teater Malaysia dalam menganjurkan sesi libat urus ini dan antara persatuan yang terlibat bersama adalah Persatuan Penulis, Persatuan Seni Mempertahankan Diri, Persatuan Pemuzik, Persatuan Permainan Tradisional dan Persatuan Tarian.

“Program libat urus JKKN WPKL bersama NGO ini dilihat merupakan satu program yang amat baik dalam mendapatkan maklum balas daripada para-NGO dan merupakan peluang buat NGO dan para pemain Industri seni budaya untuk bertemu dengan pentadbir seni budaya dan dalam masa yang sama dapat mendapatkan maklumat terkini mengenai insentif-insentif seni ditawarkan JKKN dalam membantu para penggiat era endemik”, ujar YB. Datuk Seri Dr. Santara Kumar J.P. Timbalan Menteri Pelancongan, Seni dan Budaya semasa menghadiri program ini.

Untuk maklumat lanjut, sila hubungi Unit Komunikasi Korporat JKKN atau boleh melayari laman media sosial JKKN.

-TAMAT-

Dikeluarkan Oleh:

Unit Komunikasi Korporat
Jabatan Kebudayaan dan Kesenian Negara
Tel : 03-2614 8200 Faks : 03-2697 0786

Website: www.jkkn.gov.my **Email:** ukk@jkkn.gov.my

Platform Media Sosial Rasmi JKKN:

Facebook: @Jabatan Kebudayaan dan Kesenian Negara dan @mysenibudaya
Instagram, Twitter & You Tube : @mysenibudaya

Untuk Pertanyaan, Sila Hubungi

Mazidah Binti Mustapha Pengarah Unit Komunikasi Korporat, JKKN mazidah@jkkn.gov.my Tel: 03-2614 8200 / 012-952 2095	Nik Mohd Fadly bin Nik Mat Penolong Pengarah Kanan Unit Komunikasi Korporat, JKKN nikfadly@jkkn.gov.my Tel: 03-2614 8200 / 013-382 2115
--------------------------------------------------------------------------------------------------------------------------------------------------------------------------	-----------------------------------------------------------------------------------------------------------------------------------------------------------------------------------------------